



UNIVERSITÄTS-
BIBLIOTHEK
PADERBORN

Universitätsbibliothek Paderborn

Parallela Geographiae Veteris Et Novae

Parallela Geographica Italiae Veteris Et Novae

Briet, Philippe

Parisiis, 1649

Nvm. 3. De Prouinciis Italiæ Suburbicariis, Vrbicariis & Annonariis.

urn:nbn:de:hbz:466:1-13120

ALPES COTTIÆ sub Præside.	}	Segusio: <i>Suse.</i>	}	Partie du Piedmont: un peu du Monterrat: partie Septentrio- nale du Duché de Milan: les su- iets des Suisses: la Valtelline: le Trentin en partie: & partie du Bergamasque.
		Comum: <i>Come.</i>		
		Tridentum: <i>Tren- te.</i>		
RHÆTIA PRIMA sub Præside.	}	Curia: <i>Chur, ou Coire.</i>	}	Les Grisons: le Veronois: le Côté de Tirol, & ses dependances insques au Lac de Constance.
		Verona: <i>Verone.</i>		
		Brigantium: <i>Bregents.</i>		
RHÆTIA SECUNDA sub Præside.	}	Augusta Vindelicorum: <i>Ausbourg.</i>	}	Vne grande partie de la Suaube: & vne bonne partie de la Baviere.

N V M. 3. De Prouinciis Italia Suburbicariis, Urbicariis, & Annonariis.

ADMONET me hæc Notitia vt saltem hîc leuiter attingam expo-
sitionem aliquot vocum, quæ nostrâ ætate tantas excitauere con-
trouersias inter viros eruditos.

Recens quidam scriptor ante aliquot annos Tabulam cum scrip-
tis quibusdâ vulgauerat, in quibus probare nitebatur Suburbica-
rias regiones dici quæ sub curâ Præfecti Urbis erant, hoc est intra
centesimum ab vrbe lapidem: refutatus est eruditè à Iacobo Sir-
mondo limatissimi ingenij, & accuratissimæ eruditionis viro, in eâ
diatribâ, quam de suburbicariis regionibus inscripsit. Et ea ma-
china in summi Pontificis auctoritatem comparata ab Hæreticis,
eius potissimum doctrinâ confracta est atque dissipata.

Circa idem tempus Iacobus Gutherius vir in litteris versatissi-
mus libellum emisit *Speculam* dictum contra *Iacobi Leschaffery obser-
uationem*, in quo distinguere nititur hæc tria nomina, Regiones *Ur-
bicas, Urbicarias, & Suburbicarias*; & *Urbicas* vocat quidquid Romæ
testi assurgebat, vnâ cum exspatiantibus vt loquitur *Plinius*, de
quibus in amplitudine vrbis Romæ locuti sumus: *Urbicarias* ap-
pellat quæ sociorum fines attingerent, & in quarum limitibus
Ambarualia sacra fierent: *Suburbicaria* denique nuncupata sunt
quæ agro & limitibus supradictis adiectæ Romani agri partem ef-
fecere, vt *Reatinus* ager atque *Picenus*. Sed hæc omnia gratis di-
cere visus est vir eruditus, licet multam eruditionem congerat,

quæ nihil aut parùm ad rem præsentem facit.

Distinctiùs, & clariùs Sirmondus nullum discrimen statuit inter Urbicarias, atque Suburbicarias regiones, atque ita dictas esse putat quòd Vicario vrbs Romæ subiicerentur, seu *subessent vrbs Vicario*, videlicet Latium, Tuscia & Umbria, Picenum, Valeria, Samnium, Apulia & Calabria, Lucania cum Brutiis, Sicilia, Sardinia, Corsica, numero decem: cùm aliæ 7. Vicarium Italiæ agnoscerent; quòd probat aliquot locis ex Codice Theodosiano, quibus addes quod apud scriptores de limitibus, Tuscia non semel Suburbicaria dicitur, quam vocem dum decurtare nititur Gutherius, iis accensendus est quibus Conia est pro Ciconia. Hinc Symmacho lib. 3. Epist. 13. *Spoletum Suburbanitas nostra* dicitur: & Sicilia actioe 7. in Verrem *Suburbanitas huiusce Prouinciæ*, & Floro lib. 3. cap. 19. *quodammodo Suburbana Prouincia*.

ANNONARIÆ dictæ sunt feracissimæ quædam regiones, vt Picenum, de cuius fertilitate suprâ inuimus: item & Tuscia Annonaria dicta fuit; videlicet pars eius circa Florentiam. Quòd & *Umbriam* Annonariam dictam esse velit idem Gutherius viris eruditissimis displicet, nec vllò in loco, quod sciam, reperiet. Sic Tusciæ pars illa Suburbicaria non erat, & Vicario Italiæ subiecta, & ad discrimen Urbicariæ partis appellata est Annonaria, vt factum erat in Piceno.

CAPVT DECIMVM QVARTVM.

De mirandis locis Italiæ antiqûæ.

§. I. *Admiranda Galliæ Cisalpinæ.*

LAcvs iuxta Eridanum aquâ calidâ feruet, & odorem tam tetrum exhalat, vt armentis aquandis inutilis sit, & aues etiam superuolantes enecet. *Aristoteles in admirandis Auscultationibus.*

Circa Venetos (malè vulgò Venetias legitur) admirandum contingit. Cùm innumerabiles eorum regionem Gracculorum myriades deuastent, ferunt incolas sub eorum aduentum ad confinia omnis generis frugum spargere semina, & velut Diuum donaria proiicere; quibus degustatis Gracculi velut hostium incurfu mox superuenturo subsistunt. *Idem eodem loci.*